

Èkùkwò-Ozi Ibuzò Pòlù Dejeñni Timoti Timoti, Nke Ibuzò

¹ Mmè wù Pòlù de èkùkwò-ozini; m wù onyè-ozì pù-ichèn Kraìstì Jizòsì. Osolobue wù Onyè-nzuòpùha ènyì lè Kristi wù Jesu onyè ènyì gí dòn ènya tumè m. ² M rì e dejeñni Timoti wù nwa m esi imè okukwe. Èfòma lè omikèn lè udòn hùn gha èka Chuku-Nèdì lè Jesu Kristi Nna ènyì bìá ya rìní ì.

Mkpìnsìn èka Banyeni Eje-nkuzi

³ Nòdì nwan Èfèsòsì kè m dòn gwa ì ogeñ m gí jènko Masèdonia, kèni ì gwa ndì hù rì a kuzi ihien wulèni ezioku w'a kuzizilè ihien ndì hù wè rì a kuzi; ⁴ w'e gonzilè ntìn akìkò nwònlèni isi lè itu-mpupu ihien hùn w'e tusònmè hùn nwèlèni njeđenmè—makèni ihien ndìnì e mè ihian a masònmè omuma nwèlèni alì hùn nkè o gí yèni ihian èka bì obibi okukwe hùn Osolobue chò. ⁵ Ihien hain ì k'e gí gwa wè erira wù nì ihian hùn ụzò gí ihien-òsùsùò e bì—ihien-òsùsùò hùn gha obi rì mma lè ihòrì rì mma lè okukwe gha akpakalì obi pùha. ⁶ O nwèlè ndì latò ihien ndìnì, kpahu, sònmè oku nwònlèni isi. ⁷ Wè chò nì wè wuru ndì nkuzi Iwu Mozizi, bù aghòtanì wè ihien ndì wè rì e ku mòbù ihien ndì wè rì e ku oku wè—e ku, a dù èka obi.

⁸ Ènyì a marìnghò nì Iwu rì mma—omèni ihian a marìnghò gí è mè ihien wè gí ifiri è ye Iwu. ⁹ O furu nì ihian ghòta nì èlè ifiri ndì ezi-omumè kè wè gí ye

iwu. Kama, wẹ gi ifiri ndị a dan iwu lẹ ndị e nupu-isi ye ẹ, uwe lẹ ndị ghaleni e fe Osolobue lẹ ndị e me njo, ndị e me ihien runi lẹ ndị e lelia ihien ri nsọ, ndị e gbu nedi wẹ mobu nne wẹ lẹ ndị izighe. ¹⁰ Wẹ yezi ẹ make ndi ughere, make ikennyẹ hun e meson ikennyẹ mgba lẹ ikpoho hun e meson ikpoho mgba, ndi e re ihian lẹ ndi e non ihian, ndi-ntu, ndi a shia eri-ntu lẹ ndi e me ihien ndi ozo owule wẹ lẹ ezigbo nkuzi ghaleni a dangbama. ¹¹ Ezigbo nkuzini ri ime ozioma hun Osolobue, Onye hu richanrin mma, buche m ẹka.

Ikele Chuku Makeṅi O Me Ebere Nabanhan Enyi

¹² M ri a kpanmin Kraisti wu Jizosi Di-nwonni-enyi hun ye m iken m gi ri a run orun, makeṅi o weri m nọke onye o gi don-nya, we m orun, ¹³ osuon'a ni m te kuto a, kpokpo ndi nke ẹ, gi ẹka-iken son wẹ. Kani o no me ebere m, makeṅi amarin m ihien m ri e me ogen ahun, m'e ke kwerizikwo ogen ahun. ¹⁴ Di-nwonni-enyi no gi ẹka ri mma son m, me ni m omiken oda-oda, wezi okukwe lẹ ihien-osusuo ri ime Jizosi ye m oda-oda. ¹⁵ Okuni wu ezioku hun furu w'a nabanhanhanrin: ni, “Kraisti wu Jizosi bia ime uwa d'a zuopuha ndi njo”—hun o me ni mme kachanrin njo ime uwe ile.

¹⁶ Kani, ufiri ẹ ke Osolobue gi meni m omiken, mme hun kachanrin njo e me, keni Kraisti wu Jizos' hun uzọ gi m ghosichanrin ndidi zu oke, gi m me ihien nleri, keni ndi ozo, hun k'e kweri n'e gi ẹ marin ni wẹ lẹ enwen wẹ jenkọ d'e nwon ndun itebite.

¹⁷ Eze Itebite ke Osolobue wu! Eze Ghaleni a nwun! Onye we ghaleni e legha enya! Chuku ohu suo rini! Mgbaye le ogho ya rin'a jenin ejen! Isee.

Gi Oku Osolobue Le Ihori Ri Mma Lunị Osolobue Ogun

¹⁸ Timoti nwa m, m ri e ye i iwu ndini noke ke amuma ndi we busonme banyeni i mbu don ku, keni i saeka gi ihien we ku ime amuma ndi ahun lu ogun hu ri mma, ¹⁹ e kwonkenme okukwe le ihori ri mma. O nweguo ndi lato ihori we, sukpopu okukwe we. ²⁰ Himenosị le Alezanda ri ime we. E weguo m we ebuo ye Ekwensu n'o me we ihien, keni we marin kubehi aru.

Isi Nke Ebuo

Ife Ofufe Ime Uka

¹ Igi bidon nwan, m si onu a risonmeni ni ihian ile Osolobue; e meni ni we ekpere; a riodonni ni we; e gi ni ifiri we a kpanmin a, ² e mezini ni ndi-nze le ndi ile ri isi-okiki ya, keni enyi hun uzo e bi obibi me juu, e gi udon e bi, e bi obibi ndi e fe Osolobue, e yetari mgbaye. ³ Makeni udi ekpereni ri mma, wuzikwo ihien a suo Osolobue wu Onye-nzuofuha enyi usuo, ⁴ makeni Osolobue cho ni onye owule nwon nzuofuha, marinzikwo ezioku.

⁵ Makeni,

Osolobue ohu suo ri;

Onye ohu suo rizikwo

hun e wegbama Osolobue le ihian.

Onyeni wu Kraist wu Jizosi

hun wuzikwo ihian;

⁶ hun we enwen e ye,

keni o wuru ihien w'e gi gbapuha ihian ile—
Osolobue a shiaguo eri banyeni ihienni ogen furuni.

⁷ We tumę m onye e zisonme ozi ihienni le onye-
ozi pu-ichen le onye a kuzi ndi ani ndi ozọ wuleni
ndi Ju okukwe le ezioku. M ri e ku ezioku, ari m a
tu ntụ!

⁸ Ya wu, m cho ni ikennyę ri ebe owule hun a ni
we e me ekpere. We gha a kishi aka ekpere elu, ya
wurukwo aka ri nsọ, elękwọ hun we gi iwe le ndondo
meru.

⁹ M chozikwo ni ikpoho e gi uche e ken ekiken:
w'e yile ihien e me ifenren, w'e yi ihien furuni.
Ekiken we y'e mele icho ntutu mma, mọbu iyi goru
mọbu ihien-mma mọbu ekwa ndi nanranni. ¹⁰ Kama,
w'e gi orun-oma e kon ekiken—k'o furu ni ikpoho
ndi ri e fe Osolobue, a tu egun e, e me.

¹¹ We gha a kuzi, ikpoho w'a gba-nkintin, e
gon ntin ihien we ri a kuzi, we wechanrin enwen
we che okpuru. ¹² M si okpoho* y'a kuzile; y'a
kile okennyę; y'a gba nkintin. ¹³ Makeni Adam'
ke we buzọ ke ni we d'e ke Ivu; ¹⁴ e dufieni we
Adam', kama, okpoho ke we dufie, o no wuru onye
njọ. ¹⁵ Kanị Osolobue jenkọ d'a zuofuha ikpoho
amamgbe isi we a to nsongbu ri omumu nwa, ka si
a meni e bisonmegho we ime okukwe, ihien-osusuo
le iri-nsọ, e kwondon enwen we.

Isi Nke Eto

Ndi-isi Uka

* **Isi Nke Ebuo:**¹² nwunye ihian

¹ Okuni w'e ku wu ezioku, ni, “Onye orun onye-isi uka n'a du, orun ri mma k'o cho run.”

² Ya wu, onye-isi uka k'a wuriri onye nwonleni nkoriani. O k'a wuriri onye nwon nwunye ohu suo; onye e kwondon enwen e; onye nwon uche; onye nwon mgbaye. O k'a wuriri onye ma nabanhan ndi oja; onye ma kuzi ³ O meko onye-manya mobu onye aka-iken, kan onye e me nwayo; ele onye-ikpe mobu onye egbo a suo. ⁴ O k'a wuriri onye hun e ri-eka a ki ikpun-ulo a ohunma, a hun a ni umu a hu e hume isi, a gbaye ihian uzo ile. ⁵ Makeni, omeni ihian a sani aka ki ikpun-ulo a, nani k'o don lepu uka Osolobue enya? ⁶ O wuko onye roghari nke ohun, onye sonme uzo Kraisti nke ohun, amangbe o honronma bu o nwonni ihien o marin, ikpe ma Ekwensu a ma a. ⁷ O k'a wuriri onye ndi ri ogbe e ku oku e ohunma, amangbe o danban onyan Ekwensu, fa.

Ndi-orun Uka

⁸ Erirazikwo, ndi-orun uka k'a wuriri ndi ghaleni e gi ihien we buche we aka e gu egu; awuko we ndi irenai; awuko we ndi oken-manya mobu ndi egbo ri enya. ⁹ We k'a wuriri ndi e kwonkenme ihien ndi ahun mini ri ofufe-Kraisti, wuruzikwo ndi ghaleni e me ihien obi gi e gbu we mgbu. ¹⁰ We k'e buriri uzo leguu we. Omeni enwon we nkoriani, we runma ni uka.

¹¹ Erirazikwo, ikpoho we k'a wuriri ndi nwon mgbaye; awuko we ndi-nkuto. We k'a wuriri ndi enya don, ele ndi oken-manya; we k'a wuriri ndi w'e gi e don enya ime ihien ile.

12 Ndi-ọrun ọka k'a wuri ndi nwon nwunye ohu suo; ndi a ki umu we le ikpun-ulo we ohunma.
 13 Ndi hun run ọrun-ukanị ohunma k'e wehe ni enwen we ezigbo efan, ya wu ọrun k'e mezikwo obi rukemwe we ali ime okweri we kwerini Kraisti-Jizosi.

Okukwe Ẹnyi Emike!

14 M bu e obi ni m lala d'a hun i egwa. Kani, m ri e de ni i ihien ndini 15 keni, omeni m bie d'a bja, ni marin k'o furu ni ihian e bi ime ikpun-ulo Osolobue, ọka Osolobue, Osolobue hun ri ndun. Ọka a ni wu iyetọ le iden hun gi ezioku.

16 W'a ru ọka a, ihien ahun ẹnyi kweri e mike; ihien ahun mini wu banyeni:

Onye* ahun gi ehụ pūha;
 ọ nọ ghosi ni iya rọ nke-esi
 ghahani Mmọn-nsọ;

ndi mmọn-ozị a hungho a.

Ihian e zisonmeguo ozi e ali ichen-ichen;

e kweriguo ni w'a ime uwa.

O gi ogho lashi elu-igwee.

Isi Nke Ẹnọ

Eje-nkuzi

1 Mmọn-nsọ e kupuguo a n'o ru ogen ikpazuun, o nwe ndi k'a lato okukwe-Kraisti, sonme mmọn ndi hun e dufieni le ihien eje-mmọn ri ichen-ichen a kuzisonme, 2 ebe we n'e son nkuzi ndi-ntu le ndi

* **Isi Nke Ẹtọ:16** Ndi Kolosi 1.26-27; 2.2

ihunnai ihorì wẹ nwunguu nọkẹ sị wẹ gi igwe-
 ọkụn dagbu ẹ. ³ Wẹ k'a kuzimẹ ihian w'a lulẹ di-
 lẹ-nwunye. O nwẹghozi ihien-oriri ndi wẹ k'a sị wẹ
 sọma, ihien-oriri Osolobue ke kenì ndi hun kwerini,
 hun marin ezioku, hun uzọ e ri, e ye ẹ ekele. ⁴ Ihien
 ile Osolobue ke ri mma, o nwonni hun w'a ju, ka sị
 a mẹ ni wẹ gi ekele narin a, ⁵ makeni oku Osolobue
 lẹ ekpere e don ẹ nsọ.

Ezigbo Odibo Jesu Kristi

⁶ I gwa umune ẹnyi ime okukwe ihien ndini wẹ,
 ya wu ni i wu ezigbo onye-orun Kraisti-Jizosi, hun
 wẹ gi ihien ndi ri ime okukwe-Kraisti lẹ ezigbo
 nkuzi hu i ri e son zun.

⁷ Latọ ilu ndi ahun nweleni erere o ban ebe
 ihien Osolobue ri, hun ndi marinleni ihien gi e don.
 Kama, e gi ihien Osolobue a zun enwen i. ⁸ Makeni,
 w'a si, “Erere huoghọ izun ehụ ihian, kanị igi ihien
 Osolobue a zun enwen ihian ke erere ka a ri uzọ
 ile, makeni w'e ri erere ẹ ime ndunni lẹ ime ndun
 lalani.” ⁹ Ezioku ro, o furu ni wẹ nabanhan a
 ohunma-ohunma. ¹⁰ Ya hain ẹnyi gi a rungbu enwen
 ẹnyi, a lugbu enwen ẹnyi, makeni ẹnyi gi Osolobue ri
 ndun don-ẹnya, Osolobue hun wu Onye-nzuopuha
 ihian ile—tumadu ndi kwerini.

¹¹ A gwa wẹ ni wẹ k'e meriri ihien ndini, a kuzi
 wẹ ya. ¹² Anikwole onye owule legber'i ni wu
 nwata. Ka wuru onye ndi kwerini e leri oku-onu a,
 obibi ẹ, ihien-osusuọ a, okukwe ẹ lẹ k'o donme obi
 ẹ ochan. ¹³ M gini d'a bia, hun a ni i hu a gunpuha
 Ekukwo-nsọ ebe ihian ile ri, e gi oku-Chuku a kpasu
 mmọn wẹ, a kuzi wẹ ogen ile. ¹⁴ Alatokwole oyiye

hụn rị ime i, hụn Osolobue ye i oge hụ wẹ gi bu amuma banyeni i, ndi-isi uka no bu eka kwasi i.

¹⁵ Hụn a ni i hụ e me ihien ndini ile; wechanrin enwen i che ime wẹ, keni ihian ile hụn a ni i hụ e me wẹ ohunma, a runpuha ihien rin'a. ¹⁶ E leban enwen i le nkuzi i enya; e mesonme ihien ndini wẹ. Make ni, i gha e me wẹ, i siko d'a zuofuha ke enwen i ke ndi ri e gon i ntin.

Isi Nke Isen

Ẹka W'e Gi E Sọn Ndi Ri Ichen-ichen Ri Uka

¹ Aganle okennyẹ-oba, ka gi mgbaye gwa a oku leke onye ri a gwa nedi e oku; a gwa ikennyẹ ri ibe ani oku leke umunẹ-ikennyẹ; ² a gwa ikpoho-oba oku leke onye ri a gwa nne e; a gwa ikpoho ri ibe ali oku leke umunẹ-ikpoho—ka donmẹchanrinkwo enwen i ochan.

³ E lepu ndi di wẹ nwun hụn nweleni eyemeka nke-esi enya, n'i gi e tu ni wẹ uya. ⁴ Omeni okpoho di e nwun e nwongho umu, mobu umu-oye, ndini wẹ murungude ke wẹ don a run ihien furu ni wẹ runni ndi ezi-le-ulo wẹ, e gi eka wẹ ri e yeni ndi muni wẹ a kikinbelua wẹ ugwo, make ni iya a suo Osolobue. ⁵ Nke okpoho di e nwun hụn wu ogbennye nke-esi, hụn nwonleni onye owule, o k'a ri e gi Osolobue e don enya, e mesonme ekpere, a rijo Osolobue uhinhin le efinnai. ⁶ Kani, hụn ri e bi obibi ehufu anwunhunguole—oson'a ni o ri ndun. ⁷ Hụn a ni y'e yezi wẹ iwu ndini amangbe wẹ a wuru ndi nwon nkoriani. ⁸ Onye owule ghaleni e lefu ndi nke e enya, tumadu ikpun-ulo a, a jugo okukwe-Kraisti, onye ahun ka onye kwerileni njo.

*Ikpoho Di We Nwun Hun Uka Jenko D'e Lepu Enya
(Orun Ndi-Ozi 6.1; 9.36-39)*

⁹ Okpoho di e nwun hun ruguu ahua ogun eto mabu kari suo ke we jenko d'a gunye ikpoho di we nwun hun uka jenko d'e lepu enya; o k'a wuriri onye lukarileni di ohu. ¹⁰ O k'a wuriri onye we gi orun oma o runsomme marin: ya wu, n'o zungho umu; n'o nabanhangho ndi obia; n'o fegho ndi-nke Osolobue, chanchanpu we unyin uku; n'o yeghoni ndi ri nsongbu aka; n'o gigho enwen e kwani orun oma uzọ ile.

Ikpoho Di We Nwun Hun Keleni Ka Egedi

¹¹ Ka ekwerile gunye ikpoho di we nwun hun keleni ka egedi. Makeni, ihien a gun ehụ nwe iken ban egbata we le Kraisti, a choma we ni we luru di. ¹² Ogen hu ikpe a ma we makeni e tikpoguọ we nkwa ibuzo we kwe.

¹³ Wezukade ohun, o ru, a munrun we ekan-kutopu, a gha uno-uno. Elede aka-nkutopu suo, a si si-si-si, e busonme aka e che orun rulen we, e kusonme ihien furulen ni we ku. ¹⁴ Ufiri onwan, ndunmodun m wu: ikpoho di we nwun hun keleni ka egedi we luru di, we mu umu, we e lepu ikpun-ulo we enya—amangbe enenren a hun oghere o gi kuja oku enyi. ¹⁵ Makeni, ndi hu ime ikpoho ndini we a kpahuguole, sonme Ekwensu.

¹⁶ Okpoho owule kwere ni Jesu hun ndi di we nwun wu ndi-igbennye nke-esi ri ikpun-ulo we, ya yeni we aka, make uka gha e bu oken ibu—keni uka hun uzọ saeka e yeni ndi ahun di we nwun hun nweleni onye e yeni we aka nke-esi aka.

Eka We Gi E Son Ndi-isi Uka

17 Ndi-isi ụka ri a ki ohunma ru w'e ye ogho le ugwo-orun furu w'e ye ndi-isi—uzo ebuo, tumadu ndi ri a gbakenme ebe iku oku-Chuku le ikuzi n'e ri. 18 Make ni, Ekwowo-nso si, "Ekenmele efin onu ebe o ri a zokpo oka," si, "Onye-orun e furughu hun w'a ku ugwo-orun a."

19 We kinghosi i ihien owule banyeni onye-isi, egikwole e don, mmani madu ebuo mobu eto puha osheri. 20 Nke ndi hun e mesonme njo, jugbo we id'anya ihian ile, keni egun hun uzo tuma ndi hoduni.

21 M ri a gba i mkpinsin-eka id'anya Osolobue le Kraisti wu Jizosi le ndi mmoun-ozu nso: e donme iwu ndini; egbeyekwole ni onye owule; elekwole ihian enya ihun.

22 Ahuhukwole bu eka kwasu onye owule tume e onye orun-uka, bu y'e leban n'a enya ohunma. Kpachanfu enya amangbe y'e bi eka ye njo ndi ozo me; donme enwen i ochan.

23 Arazile mirin suo, kama, a rari ekere manya make ufiri efo i le make emu hun a ku n'i mbule-ebu.

24 O nwe ndi njo we a puhachanrin ifon, a ma we ikpe we kebe kinme we ikpe, kanu nke ndi ozo, njo we a ra fuha ifon egwa, kanu o hu e son we, we kinguu we ikpe o puha ifon. 25 Erira ke orun oma donzikwo a puhachanrin ifon. Osuoden'a n'o ke puhachanrin ifon, o zueriko jennin ejen.

Isi Nke Isin

1 Ndi ile wu igbon mobu odibo eka ihian we weri ndi we ri okpuru we ni e rugho we ogo mgbaye, a gbayechanrin we—make ihian gha e kutu efan Osolobue le ihien enyi ri a kuzi. 2 Emeni ihian ri

e fe onye kwerini, y'e benwakwole mgbaye o ye e makeni we wu umune ime okukwe. Kama, ya fede e kari, makeni onye ri e ri erere orun a wu onye kwerini le onye ri Osolobue obi.

A kuzi we ihien ndini, e nu we e me we.

Eje-nkuzi Le Ihien E Buhen'e

³ Onye owule hun a kuzisonme ihien ozọ wuleni ezioku, onye hun ghaleni e kweye ni oku ndi hu zu oke Onye-nweni-enyi wu Jizos' Kraisti ku le nkuzi furu ofufe Osolobue, ⁴ rihu a pache; o nwonna ihien o marin. Adudu ido-ndondo le iru-uka mkpuru-oku wu nsongbu e. Eje-aduduni e buhe iwe-enya, ikpe, nkuto, inyonsomme-ihian onyinyon rileni mma ⁵ le idosomme ndondo—hun o meni o nwe ndi e men'e. Uche ndi no erira ari mma; ezioku a nahinguo we. We ri e ro ni ife Osolobue wu uzọ we gi e nwe erere. [Esonkwole ndi no erira a kpa.]

Ezigbo Aku-le-uba

⁶ Ifede Osolobue wu erere hi-ogbe nke-esi omeni ihian a ni ihien o nwe jun e efọ. ⁷ Makeni, o nwonna ihien enyi wehe ime uwa, o nwonzikwoni ihien owule enyi jenko d'e weri ime e enyi pukoni. ⁸ Ya wu, o mehü ni enyi e nwongho ihien-oriri le ekwa*, ya jun enyi efọ. ⁹ Kani, ndi ri a cho ni we hi odafin a danbansomme ime onwunwan; egun ri ichen-ichen nwonleni isi a nwundon we ke onyan—egun ri ichen-ichen hun a ru ihian ehü, a do ihian e ye ime iwi le ntikpo. ¹⁰ Makeni, ekpiri-egho wu mkpogun udi eje-ihien ile gha a suepuha. O nwegho ndi ghaguü ime okukwe kpahu ebe ihi-odafin n'a

* **Isi Nke Isin:8** le ebe enyi e buche isi

dụ wẹ, mēsōnmẹ ihien bu ọda obi gi e gbusōnmẹ wẹ mgbu.

Ndunmodun Rini Onye-orun Osolobue

¹¹ Kanị, iyi wu onye nke Osolobue, na ihien ndini ile to. Chuma ezi-omume Osolobue cho, ife-Chuku ohunma, okukwe, ihien-osusuo, ndidi le ime-juu. ¹² Lu ezigbo ogun ahun okukwe enyi cho, y'e kwonkenme ndun itebite hun Osolobue gi ufiri e kpo i, hun i gizi ifiri e no id'anya ndi bu oda ku e n'i kwerichanrin ni Jizosi. ¹³ Ihun enya Osolobue hun e ye ihien ile ndun le Jizos' Kraisti hun no id'anya Pontus' Paleti ku ezioku, kwerichanrin n'o wu Onye o wu†, m si i ¹⁴ donmehanchanrin iwuni; enwonkwole ntupo mobu nkoriani ebe i n'e donme e d'e ru obibia Onye-nweni-enyi wu Jesu Kristi. ¹⁵ Obibia Jesu, hun Osolobue jenko d'e me n'o mezu ogen furuni. Osolobue, Onye hun richanrin mma, Onye ya suo wu Eze nke-esi, Eze ndi-nze le Nna ndi-nna; ¹⁶ Iya suo wu onye ghaleni a nwun; Onye hun bi ime ukpe we ghaleni a saeka a nokunme; Onye ihian leghatuleni bu asako we eka legha a! Mgbaye le okiki itebite ya rin'a! Isee.

Ihien We K'a Kuzi Ndi-idafin

¹⁷ Nke ndi wu odafin ime ndunni, gba we mkpinsin eka, si we a pachele mobu gi aku-le-uba don enya, aku-le-uba hun ghaleni a to. Ka we gi Osolobue don enya, iya wu onye hun e yesonme enyi ihien ile, e yekwasị, keni efọ hun uzọ a suo enyi usuo. ¹⁸ Si we mesonme mma, a wu odafin ebe irun orun-oma ri; we a ha-eka, we wuru ndi a cho ni we

† **Isi Nke Isin:13** Jon 18.33-37

yebeye ndi ozo ihien— ¹⁹ e gi uzoni e donmetoni enwen we aku-le-uba wu aku-le-uba nke-esi, e gi e e gbetoni enwen we ezigbo iyeto make ogen hu lalani, keni we hun uzo kwondon ndun hu wu ndun nke-esi.

²⁰ Euu, Timoti, kwonkenmekwo ihien we buche i eka-o; latokwo oku ndi ahun nweleni erere o ban ebe ihien Osolobue ri le oku rijunleni efu we ri a kpo, “Amamihien” bu ele ya. ²¹ Makeni, o nwegu ndi ghagu ime okukwe-Kraisti kpapu, ebe we n'e son ya wu ihien.

Efoma Osolobue ya ri ni unu ile.

**Elu Ọhụn: Ekwkwọ-Nsọ (Azụn Ọhụn rịn'a)
Revision of New Testament in Ika**

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

Copyright Information

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

The New Testament

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 11 Nov 2022 from source files dated 29 Jan 2022

31b0248e-272a-5dee-8226-bcc00c54d9b1